

*en son Lettre* *1613*  
A MESSIEVRS DES  
ESTATS.

*128*  
*Dup.*  
*3182*  
**M**ESSIEVRS, Il n'y a pas  
vn d'entre vous lequel ne  
cognoisse en son cœur comme  
bons François la miserable con-  
dition de nostre commune Me-  
re la France qui triomphante au-  
tres-fois de nations estrangeres,  
se voit maintenant captiue en-  
chaisnee par vn estranger.

*9.*  
C'est ce monstre d'auarice &  
d'orgueil ce Marechal nouueau  
monté a ceste dignité si honora-  
ble & si importante au Royau-  
me non par son extraction par sa  
vertu par sa valleur ou par ses ser-  
uices, nō par les vœus de l'Eglise,  
par le consentement de la No-  
blesse ou par la volonté des peu-  
ples. Mais par le malheur de la

Frâce c'est luy qui recule les Princes d'aupres de leur Roy, qui oste aux Seigneurs les charges deuës à leur seruice, qui ne laisse aucun benefice vaccant pour remplir sa maison, & qui prend a millions dans les coffres de sa M. attire les maledictiōs de ceux qui en resentent tous les iours les charges par des nouveautez insupportables.

Est-il possible Messieurs que ceste genereuse Noblesse qui ne sçait que cest que d'endurer, gemisse cognoissant son mal sans l'oser dire. Est-il possible que celuy qui n'est ny d'extraction ny de merite esgal aux vostres vous tienne le pied sur la gorge que le François qui ne peut estre vaincu que par le François mesme se voie miserablement esclaué d'un Italien, que vous voyez offencervos



Princes qui sont comme la teste de vostre corps sans prendre leur iuste deffence contre l'insolence de ce poltron. Est-il possible encore vne fois qu'il s'en trouue de si lasche parmy vous pour seruir de marchepied à sa grandeur.

Que pensez vous qui aye ietté vne partie de nos Princes au desespoir de s'armer dans l'Estat. Ce n'est pas que le Roy ne leur rendit des tesmoignages de sa bonne volonté. Ce n'a esté que la Roynne ne cōtribuaist son soing pour tenir la balance de leurs affectiōs droicte au seruice de leurs Majestez en les obligeant par toutes sortes de biens-faits. C'a esté Messieurs, les artifices & les trahisons de ce meschant, qui en gloutissant du desir toutes les charges du Royaume à creu que

ce malheur de la France se pour-  
roit treuuer dans la confusion.

Y a-il Prince, officier de la Cou-  
ronne ou Ministre de l'Estat qui  
ne soit veu ou perdu ou en la  
veuille de sa ruine dès le temps de  
son gouuernement la disgrâce  
de Monsieur de Suilly, lors qu'il  
estoit si necessaire, la fausse accu-  
sation de Monsieur le Grand en  
vne personne si recommanda-  
ble, la desfaueur que l'on a veu,  
menasser Monsieur de Villeroy  
& monsieur le Chancelier, lors  
qu'il trauailloient avec tant de  
soing & de bonne fortune pour  
la France, sont des tescmoins sans  
reproche, qui sont cognoistre à  
tout le monde la iustice de ses in-  
tentions.

Vne des plus sainctes Resolu-  
tiōs & de laquelle doit despédre



en partie le fruit que vous attendez de vostre assemblée est la recherche des mauuais versatiōs aux finances du Roy, C'est de là que vous esperez faire vn fonds pour restituer ses offices & en chasser la venallité, ce Monstre Messieurs, au preiudice de l'intereſt du Roy à la honte de sa France, & au mespris de ceste si honorable assemblée auorte le juste dessein & soullât son auarice vous laisse priuez du grand bien que vous en deuez attendre.

Je veux encore Messieurs, en faueur de vostre ordre que puisse le bon-heur de la France & la bonté de nostre Roy, Vous ont assemblez en liberté de parler, compartissant à l'Estat, vous chercherez le moyen de le soulager, & que vous ne vous rende-

rez point deferteurs de vos charges & du debuoir que vous auez à vostre patrie.

C'est donc maintenant Messieurs ou iamais, qu'il faut à bon escient mettre les mains à l'œuvre, C'est maintenant qu'il faut esperer que Dieu qui gouuerne les cœurs des Princes, qui entendent les plainctes de leurs peuples animera nostre Roy, pour chasser ce prodige qui a regné iusques icy, au preiudice de son authorité à la ruyne des trois ordres, & au scandalle des gens de bien, C'est maintenant dis-je, qu'il faut supplier la Royne de ne se laisser plus circōuenir à ceste Megere, qui abusant de sa bonté donne prise à la mesdisance, & ouure la porte à vne plainte generalle d'auoir aduacé cet hom-




me hors de raison.

Vos consciences Messieurs, le serment que vous auez faict de verser saintement en vos charges, & l'honneur qu'il vous fault attendre en les exerçant avec integrité vous obligent d'escrire ceste si iuste Requeste en lettre d'or au front de vos cahiers vous obligeant à ne receuoir aucune satisfaction de vostre assemblee que ceste-cy ne nous soit accordée, sans laquelle toutes les autres ne vous sont que des foibles remedes à vos maux, vous obligent, Non pas de deputer vn petit nombre de vos chambres, pour en aller supplier le Roy: Mais d'y aller les chambres entieres se ietter aux pieds de sa Majesté, de qui le zele & l'honneur de l'Eglise de Dieu l'amour à l'é-

8  
droit de sa Noblesse , & le soing  
au bien de son peuple, vous pro-  
mettent que tirât l'ordre du de-  
sordre il prendra vn iuste inte-  
rest en vos plaintes , qui seront  
changées en benedictions, Par  
la fauorable Responce que vous  
deuez attendre de luy.





Digitized by the Internet Archive  
in 2010 with funding from  
University of Ottawa

